



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ

## ՀՐԱՄԱՆ

No 07-L

«19» փետրվարի 2025 թ.

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐԱԳՈՒՅՆ ԿՐԹՈՒԹՅԱՆ ՈՐԱԿԱՎՈՐՈՒՄՆԵՐԻ ԱԶԳԱՅԻՆ ՇՐՋԱՆԱԿԻ ԻՆՔՆԱՀԱՎԱՍՏԱԳՐՄԱՆ ԳՈՐԾԸՆԹԱՅԸ ԿԱԶՄԱԿԵՐՊԵԼՈՒ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով ««Հայաստանի Հանրապետության կրթության մինչև 2030 թվականի զարգացման պետական ծրագիրը» հաստատելու մասին» օրենքով հաստատված հավելվածի 81-րդ կետի 5-րդ ենթակետի «գ» պարբերությամբ՝

### Հ Ր Ա Մ Ա Յ ՈՒ Մ ԵՄ

1. Հաստատել՝ Հայաստանի Հանրապետության բարձրագույն կրթության որակավորումների ազգային շրջանակի ինքնահավաստագրման գործընթացը կազմակերպելու մասին ծրագիրը՝ համաձայն հավելվածի:

ՆԱԽԱՐԱՐ՝

ՔԱՆՆԱ ԱՆԴՐԵԱՍՅԱՆ

## ԾՐԱԳԻՐ

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐԱԳՈՒՅՆ ԿՐԹՈՒԹՅԱՆ ՈՐԱԿԱՎՈՐՈՒՄՆԵՐԻ ԱԶԳԱՅԻՆ ՇՐՋԱՆԱԿԻ ԻՆՔՆԱՀԱՎԱՍՏԱԳՐՄԱՆ ԳՈՐԾԸՆԹԱՅԸ ԿԱԶՄԱԿԵՐՊԵԼՈՒ

#### 1. ԸՆԴՀԱՆՈՒՐ ԴՐՈՒՅԹՆԵՐ

1. 2005 թվականից Հայաստանի Հանրապետությունը միացել է Բոլոնիայի գործընթացին՝ ստանձնելով նաև Հայաստանի Հանրապետությունում գործող որակավորումների համակարգը համաեվրոպական որակավորումներին համապատասխանեցնելու հանձնառությունը: Որակավորումների ազգային շրջանակի (այսուհետ՝ ՈԱՇ) ինքնահավաստագրումը գործընթաց է, որի ընթացքում գնահատվում և հաստատվում է ՈԱՇ-ի համապատասխանությունը համաեվրոպական կամ միջազգային ստանդարտներին, ինչպիսիք են Որակավորումների Եվրոպական շրջանակը (EQF) կամ Եվրոպական բարձրագույն կրթության ոլորտի որակավորումների շրջանակը (QF-EHEA):

2. ՈԱՇ-ի ինքնահավաստագրման գործընթացը չիրականացնելու դեպքում Հայաստանի Հանրապետությունը չի կարող լիարժեք մասնակցել Եվրոպական Միության (ԵՄ) կրթական նախաձեռնություններին և ինտեգրացիոն գործընթացներին:

3. Եվրոպական կրթական ստանդարտներին Հայաստանի Հանրապետության ՈԱՇ-ի համապատասխանության պաշտոնական հավաստման դրական արդյունքները կարտացոլվեն Տեղեկատվական կենտրոնների Եվրոպական ցանցի և Եվրոպական միության ազգային ակադեմիական ճանաչման տեղեկատվական կենտրոնների միության (ENIC-NARIC networks) միասնական կայքէջում, ինչի արդյունքում կմեծանա արտասահմանյան բուհերի և գործատուների վստահությունը Հայաստանի Հանրապետության կրթական համակարգի և որակավորումների նկատմամբ, որն էլ իր հերթին կպարզեցնի օտարերկրյա պետություններում բուհ ընդունվելու, ուսանողների շարժունության, շրջանավարտներին օտարերկրյա պետություններում աշխատանքի ընդունելու գործընթացները:

4. Հայաստանի Հանրապետության ՈԱՇ-ի ինքնահավաստագրումը դյուրին կդարձնի նաև բուհերի և հետազոտողների հասանելիությունը ԵՄ-ի դրամաշնորհներին և կրթական նախագծերին:

5. ՈԱՇ-ի ինքնահավաստագրումը կարևոր նշանակություն կունենա նաև օտարերկրյա ուսանողների համար՝ Հայաստանի Հանրապետության բուհերի գրավչության մեծացման տեսակետից: Հայաստանի Հանրապետության ՈԱՇ-ի Եվրոպական ստանդարտներին համապատասխանելու պաշտոնական ճանաչումը կմեծացնի բուհերի մրցունակությունը և օտարերկրյա ուսանողների թվաքանակը:

6. Որակավորումների ազգային շրջանակի ինքնահավաստագրման նպատակներն են՝

1) ՈԱՇ-ի և միջազգային ստանդարտների ներդաշնակեցումը,

2) որակավորումների թափանցիկության մեծացումը՝ նպաստելով ակադեմիական և մասնագիտական շարժունությանը,

3) միջազգային գործընկերների շրջանում Հայաստանի Հանրապետության ՈԱՇ-ի նկատմամբ վստահության մեխանիզմների ապահովումը:

7. ՈԱՇ-ի ինքնահավաստագրումը հիմնված է Կոպենհագենի և Բոլոնիայի գործընթացների վրա և ներառում է հետևյալ հիմնական սկզբունքները՝

1) ՈԱՇ-ի որակավորումների համապատասխանությունը Որակավորումների Եվրոպական շրջանակի (EQF) մակարդակներին,

2) ՈԱՇ-ի բարձրագույն կրթության որակավորումների համապատասխանությունը Եվրոպական բարձրագույն կրթության ոլորտի որակավորումների շրջանակին (QF-EHEA),

3) թափանցիկ չափանիշների և չափորոշիչների կիրառումը,

4) ազգային և միջազգային փորձագետների ներգրավվածությունը,

5) ինքնահավաստագրման արդյունքների հանրայնությունը և հասանելիությունը:

8. ՈԱՇ-ի ինքնահավաստագրման հիմնական փուլերն են՝

1) միջազգային ստանդարտներին ՈԱՇ-ի համապատասխանության վերլուծություն (EQF, QF-EHEA),

2) ՈԱՇ-ի ինքնահավաստագրման զեկույցի (այսուհետ՝ զեկույց) պատրաստում, որը կներառի որակավորումների մակարդակների նկարագրությունը, դրանց

համապատասխանությունը միջազգային շրջանակներին, որակավորումների շնորհման մեխանիզմները,

3) ինքնահավաստագրման զեկույցի քննարկում ներքին և միջազգային փորձագետների և շահագրգիռ կողմերի հետ (պետական մարմիններ, բուհեր, գործատուներ),

4) արդյունքների հրապարակում և միջազգային ճանաչում (օրինակ՝ զեկույցի ներկայացում Բոլոնիայի գործընթացի խմբին կամ EQF-ի խորհրդատվական խմբին):

## **2. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐԱԳՈՒՅՆ ԿՐԹՈՒԹՅԱՆ ՈՐԱԿԱՎՈՐՈՒՄՆԵՐԻ ԱԶԳԱՅԻՆ ՇՐՋԱՆԱԿԻ ԻՆՔՆԱՀԱՎԱՍՏԱԳՐՄԱՆ ԳՈՐԾԸՆԹԱՑԻ ՆՊԱՏԱԿԸ ԵՎ ՓՈՒԼԵՐԸ**

9. Սույն ծրագրով նախատեսված բարձրագույն կրթության որակավորումների ազգային շրջանակի (այսուհետ՝ ԲԿ-ՈԱՇ) ինքնահավաստագրման նպատակն է Հայաստանի Հանրապետության ՈԱՇ-ի բարձրագույն կրթությանը համապատասխանող 6-րդ, 7-րդ և 8-րդ մակարդակների և Եվրոպայի բարձրագույն կրթության ոլորտի որակավորումների շրջանակի (QF-EHEA) համապատասխանեցման միջոցով ապահովել միջազգային մակարդակում Հայաստանի Հանրապետության բարձրագույն կրթության որակավորումների թափանցիկության մեծացումը, դյուրին դարձնել ուսանողների ակադեմիական և շրջանավարտների մասնագիտական շարժունությունն ու ապահովել Հայաստանի Հանրապետության դիպլոմների միջազգային ճանաչումը:

10. ԲԿ-ՈԱՇ-ի ինքնահավաստագրման գործընթացը ներառում է հետևյալ հինգ հիմնական փուլերը (**տե՛ս Գծանկար 1**)՝

1) նախապատրաստական փուլ (6-12 ամիս),


2) համապատասխանության վերլուծության և զեկույցի պատրաստման փուլ (12-18 ամիս),

3) արտաքին փորձաքննության և քննարկումների փուլ (6-12 ամիս),

4) զեկույցի ներկայացման և ճանաչման փուլ (6-12 ամիս),

5) մշտադիտարկման և բարելավումների/նորացումների փուլ (շարունակական գործընթաց):

**Գծանկար 1.** ԲԿ-ՈԱՇ-ի ինքնահավաստագրման գործընթացը:



11. ԲԿ-ՈԱՇ-ի ինքնահավաստագրման գործընթացի իրականացման տևողությունը երկուսուկեսից չորսուկես տարի է (տևողության վրա ազդում են բացահայտված թերությունները և դրանց շտկման տևողությունը/արդյունավետությունը, հետևաբար հնարավոր է սցենար, որի դեպքում գործընթացի լիարժեք իրականացման համար ավելի շատ ժամանակ կպահանջվի):

12. ԲԿ-ՈԱՇ-ի ինքնահավաստագրման գործընթացի հիմնական փուլերի նպատակները՝ ըստ ակնկալվող արդյունքների և դրանց համար նախատեսված ժամկետների բերված են **Աղյուսակ 1-ում**:

### 3. ԻՆՔՆԱՀԱՎԱՍՏԱԳՐՄԱՆ ԱԿՆԿԱԼՎՈՂ ԱՐԴՅՈՒՆՔՆԵՐԸ

13. Ինքնահավաստագրման իրականացման արդյունքում կապահովվեն ՀՀ բարձրագույն կրթության ոլորտի զարգացմանն ուղղված հետևյալ արդյունքները՝

1) կապահովվի ԲԿ-ՈԱՇ-ի և Եվրոպայի բարձրագույն կրթության ոլորտի որակավորումների շրջանակի (QF-EHEA) համապատասխանությունը,

2) կընդլայնվի Հայաստանի Հանրապետության դիպլոմների միջազգային ճանաչումը,

3) ավելի սահուն կդառնա ակադեմիական և մասնագիտական շարժունությունը,

4) կմեծանա Հայաստանի Հանրապետության կրթական համակարգի գրավչությունը,

5) կապահովվի բարձրագույն կրթության ազգային համակարգի զարգացման խթանումը:

**Աղյուսակ 1.** Ինքնահավաստագրման գործընթացի հիմնական փուլերի նպատակները և ակնկալվող արդյունքները:

Հ/Հ	Նպատակ	Միջոցառումներ	Փուլի ակնկալվող արդյունքներ	Ժամկետ
<b>I. Նախապատրաստական փուլ</b>				
1.	Ինքնահավաստագրման աշխատանքային խմբի ձևավորում	<p>1.1 Գործընթացի իրականացման նախնական և ընթացիկ խորհրդատվություն տրամադրող կազմակերպության(ուսնների) որոշում և նախնական պայմանավորվածությունների ձեռքբերում (անհրաժեշտության դեպքում պայմանագրի կնքում)</p> <p>1.2 Պատասխանատու մարմինների սահմանում (Կրթության, գիտության, մշակույթի և սպորտի նախարարություն, Բարձրագույն կրթության և գիտության կոմիտե, բուհական ասոցիացիաներ, Մասնագիտական կրթության որակի ապահովման ազգային կենտրոն, Ակադեմիական փոխճանաչման և շարժունության ազգային տեղեկատվական կենտրոն և այլ)</p> <p>1.3 Աշխատանքային խմբի ձևավորում և գործընթացի համակարգողի նշանակում</p>	<p>1. Պատասխանատու մարմինները սահմանված են</p> <p>2. Աշխատանքային խումբը ձևավորված է Իրականացվել է Հայաստանի Հանրապետության և միջազգային ստանդարտների վերլուծություն</p> <p>3. Ինքնահավաստագրման մեթոդաբանությունը մշակված է</p>	<p>2025թ. 2-ից 4-րդ եռամսյակ,</p> <p>2026թ. 1-ին եռամսյակ</p>

		1.4 Միջազգային փորձագետների հետ համագործակցության մեխանիզմների որոշում (Բարձրագույն կրթության որակի ապահովման Եվրոպական ասոցիացիա (ENQA), Եվրոպական բուհերի ասոցիացիա (EUA), Բոլոնիայի գործընթացի հետամուտ խումբ (Bologna Follow-up Group), Մասնագիտական կրթության զարգացման Եվրոպական կենտրոն (Cedefop))		
2.	Միջազգային ստանդարտների և ազգային նորմատիվ բազայի վերլուծություն	2.1 Դուբլինյան նկարագրիչների մակարդակների, Եվրոպայի բարձրագույն կրթության ոլորտի որակավորումների շրջանակի (QF-EHEA) և ինքնահավաստագրմանը ներկայացվող պահանջների մանրակրկիտ ուսումնասիրություն		
		2.2 ԲԿ-ՈԱՇ-ի սահմանված մակարդակների և միջազգային չափորոշիչներին դրանց համապատասխանության վերլուծություն		
		2.3 Բարձրագույն կրթության որակի ապահովման ազգային համակարգի գնահատում		
3.	Ինքնահավաստագրման մեթոդաբանության մշակում	3.1 Միջազգային պահանջներին ԲԿ-ՈԱՇ-ի համապատասխանության վերլուծության չափանիշների և ցուցիչների որոշում		
		3.2 Զեկույցի կառուցվածքի մշակում		



		3.3 Տվյալների աղբյուրների որոշում (կրթական ծրագրեր, որակավորումների ճանաչման մեխանիզմներ և այլն)		
<b>II. Համապատասխանության վերլուծության և զեկույցի պատրաստման փուլ</b>				
4.	ԲԿ-ՈԱՇ-ի գնահատում	4.1 ԲԿ-ՈԱՇ-ի կառուցվածքի նկարագրություն (բակալավրիատ, մագիստրատուրա, դոկտորանտուրա) 4.2 Որակավորումների շնորհման համակարգի և կրթական ծրագրերի ու դրանց ուսումնառության վերջնարդյունքների համապատասխանության վերլուծություն 4.3 Բուհերի որակի ներքին ապահովման և հավատարմագրման ընթացակարգերի գնահատում	1. ԲԿ-ՈԱՇ-ը վերլուծվել է 2. Զեկույցի նախագիծը մշակված է 3. Անհամապատասխանությունները դուրս են բերվել	2026թ. 2-ից 4-րդ եռամսյակ,  2027թ. 1-ից 3-րդ եռամսյակ
5.	ԲԿ-ՈԱՇ-ի և Եվրոպայի բարձրագույն կրթության ոլորտի որակավորումների շրջանակի (QF-EHEA) համեմատություն	5.1 Եվրոպայի բարձրագույն կրթության ոլորտի որակավորումների շրջանակի (QF-EHEA) և ԲԿ-ՈԱՇ-ի մակարդակների նկարագրիչների համադրություն 5.2 Մակարդակների համապատասխանության վերլուծություն 5.3 Տարբերությունների, բացերի և անհամապատասխանությունների դուրսբերում		
6.	Զեկույցի պատրաստում	6.1 Ինքնահավաստագրման մեթոդաբանության և սկզբունքների նկարագրում 6.2 Եվրոպայի բարձրագույն կրթության ոլորտի որակավորումների շրջանակի (QF-		

		EHEA) և ԲԿ-ՈԱՇ-ի համապատասխանության փաստաթղթավորում		
		6.3 Դուրս բերված անհամապատասխանությունների շտկմանն ուղղված խորհրդատվության մշակում		
7.	Համապատասխանության ապահովման համար անհրաժեշտ բարեփոխումների իրականացում	7.1 Խորհրդատվությամբ նախատեսված բարեփոխումների իրականացում	Եթե իրականացված բարեփոխումները բավարար են պահանջներին համապատասխանելու համար, ապա մեկնարկում է 3-րդ փուլը, հակառակ դեպքում բարեփոխումները շարունակվում են մինչև համապատասխանության անհրաժեշտ մակարդակին հասնելը	3-րդ փուլի մեկնարկը կարող է հետաձգվել մինչև տվյալ կետի լիարժեք իրականացումը
<b>III. Արտաքին փորձաքննության և քննարկումների փուլ</b>				
8.	Շահագրգիռ կողմերի հետ ազգային մակարդակում քննարկումներ	8.1 Բուհերի, ուսանողների, գործատուների հետ քննարկումների իրականացում 8.2 Առաջարկների հիման վրա զեկույցում ճշգրտումների իրականացում	1. ՀՀ և միջազգային փորձագետների խորհրդատվությունը ստացված է 2. Ձեկույցը լրամշակված և հաստատված է	2027թ. 4-րդ եռամսյակ,  2028թ. 1-ից 3-րդ եռամսյակ
9.	Միջազգային փորձագետների ներգրավում	9.1 Ձեկույցի գնահատում Բարձրագույն կրթության որակի ապահովման Եվրոպական ասոցիացիայի (ENQA), Եվրոպական բուհերի ասոցիացիայի (EUA), Բոլոնիայի գործընթացի հետամուտ խմբի (Bologna Follow-up Group) անկախ փորձագետների կողմից		

		9.2 Ձեկույցի բարելավմանն ուղղված խորհրդատվության ստացում		
10.	Ձեկույցի հանրային քննարկում	10.1 Սեմինարների, կլոր սեղանների և ներկայացումների կազմակերպում		
		10.2 Ստացված առաջարկների ներառում վերջնական զեկույցում		
<b>IV. Ձեկույցի ներկայացման և ճանաչման փուլ</b>				
11.	Ձեկույցի ներկայացում միջազգային կազմակերպություններին	11.1 Ձեկույցի ներկայացում Բոլոնիայի գործընթացի հետամուտ խմբին (Bologna Follow-up Group)	1. Եվրոպայի բարձրագույն կրթության ոլորտի որակավորումների շրջանակի (QF-EHEA) սահմաններում ԲԿ-ՈԱՇ-ի պաշտոնական ճանաչում	2028թ. 4-րդ եռամսյակ,  2029թ. 1-ից 3-րդ եռամսյակ
		11.2 Ձեկույցի ներկայացում Բարձրագույն կրթության որակի ապահովման Եվրոպական (ENQA) և Եվրոպական բուհերի (EUA) ասոցիացիաներին		
12.	Միջազգային ճանաչման ընթացակարգ	12.1 Միջազգային փորձագետների կողմից զեկույցի վերլուծություն	2. Հայաստանի Հանրապետության որակավորումների միջազգային կարգավիճակի մեծացում	
		12.2 Վերջնական շտկումների իրականացում		
		12.3 ԲԿ-ՈԱՇ-ը ճանաչելու որոշման ընդունում		
13.	Արդյունքի հրապարակում	13.1 Ձեկույցի բաց հրապարակում/բաց հասանելիության ապահովում		
		13.2 Բուհերի, գործատուների և հանրության տեղեկացում		
<b>V. Մշտադիտարկման և բարելավումների (նորացումների) փուլ</b>				
14.	Մշտադիտարկման համակարգի մշակում	14.1 ԲԿ-ՈԱՇ-ի համապատասխանությունը պարբերաբար գնահատելու մեխանիզմի ստեղծում	1. ԲԿ-ՈԱՇ-ի մշտադիտարկման մեխանիզմը ստեղծված է	2029թ. 4-րդ եռամսյակ,

		14.2 Բարձրագույն կրթության որակավորումների տվյալների ազգային բազայի ստեղծում	2. ԲԿ-ՈԱՇ-ի համապատասխանեցումը միջազգային ստանդարտներին իրականացված է	Շարունակական ըստ մշակված մեխանիզմի պահանջի
15.	ԲԿ-ՈԱՇ-ի բարելավում (նորացում)	15.1 Եվրոպայի բարձրագույն կրթության ոլորտի որակավորումների շրջանակում (QF-EHEA) և միջազգային ստանդարտներում կատարվող փոփոխությունների գրանցում		
		15.2 Ազգային կրթական ստանդարտների համապատասխանեցում		
16.	Միջազգային համագործակցության զգալի բարձրացում	16.1 Համագործակցություն արտասահմանյան բուհերի և հավատարմագրման գործակալությունների հետ		
		16.2 Կոնֆերանսների կազմակերպում և փորձի փոխանակում		